

Baithuti ba Ratehang, Basebetsi le Baithuti ba mehleng,

Ke o ngolla ka nako ya dikganyetsano, ka lehlakoreng le leng mofereferere o bakwang ke ketso ya indasteri e esoka e e ba teng e bakang tshitiso e kgolo ya tshebetso le kotsi e kgolo setshwantshong, botumo le botshepehi ba institjhushene ena e kgolo, Yunibesithi ya Naha, mme ka lehlakoreng le leng, boitlamo bo boholo ba ba bang bakeng sa tswelopele ya institjhushene ya Unisa le katleho ha ho ntse ho sebetsanwa le ditaba tse kgahlanong le tsona.

Ke tseba ka botlalo hore bongata ba lona le ntse le le mafolofolo le ho ikemisetsa ho ya dikhamphaseng tsa rona tse fapaneng ho phethahatsa karolo ya lona ya ho sebeletsa baamehi ba rona, haholoholo baithuti ba rona, empa le thibelwa ho etsa jwalo ke boteng ba bora ba basebetsimmoho bokenong le mebileng e lebang ho tse ding tsa dikhamphase tsa rona, haholo dikhamphaseng tsa Pretoria le Florida.

Boemo bona bo mpefaditswe ke diketsahalo tse sa kgaotseng tse mpe tsa ho thijwa ha ditsela le dibaka tsa ho kena ka dithwele le dikutu tsa difate, ho tjheswa ha dithaere, ho akgelwa ha metsu ditseleng hammoho le ditshoso tse pepenene.

Leha ho le jwalo, ke kgothaditswe ke ditlaleho le ditjhebisiso tsa hore, hara tsena tsohle, ho na le Ma-Unisa a ntseng a tswela pele ho fumana ditsela le mekgwa ya ho netefatsa hore tse ding tsa ditshebeletso tsa bohlokwa tse fanwang ke yunivesithi di tswela pele di sa kgaotse.

Jwalo ka ha le tseba, Labohlano le fetileng e ne e le letsatsi la pele la nako ya dihlahlobo tsa semestara sa pele sa 2022. Ke thabetse ho amohela tlaleho ya thomo ya hore letsatsi la pele le tsamaile hantle haholo le hore ditsamaiso tsohle di tla tswela pele bakeng sa dihlahlobo tsa semestara sa pele. Ke boetse ke tiiseditswe hore maamong a sa tlwaelehang moo ho ka bang le diqholotso tse itseng, dihlopha tse theilweng ho tsamaisa dihlahlobo di kgona ho lemoha tsena le ho kenella kapele.

Ho bile monate ho tseba hore ho fapana le ditlaleho tsa bohata tse jalwang dibakeng tse ding di fapane le hoo, Dikopo tsa rona tsa Marang-rang tsa Semestara, tse butsweng ka Labobeli la la 10 Motsheanong 2022, di ntse di sebetsa hantle. Mokgahlelo ona wa kopo, o butsweng feela bakeng sa mangolo a kgethilweng maamong a baithuti ba so kang ba fumana dikri ya pele, dikri ya bobedi le dipoloma ya ka mora ho fumana dikri, o tla kwalwa ka la 31 Motsheanong 2022.

Lebitsong la Bolaodi ba Phethahatso le setjhaba kaofela sa yunivesithi, ke fetisetsa diteboho tsa rona tse tswang botebong ba pelo le kopanelo ho basebetsimmoho dibakeng tsena, ba tswelang pele ho emela letshwao la yunivesithi ka boitlamo le ka tjantjello e jwalo, ho sa natswe maemo a teng a qholotso.

Diteboho tsa rona tse tswang botebong ba pelo di boetse di ya ho basebetsimmoho ba leng dibakeng tse ding tse fapaneng ba tswelang pele ho etsa mosebetsi wa bona, leha e le tlasa maemo a thata.

Ke rata ho le tiisetse hore re ntse re ikemiseditse ho tswela pele ho buisana ka molao le basebetsimmoho ba rona ba sebetsanang le diindaseteri molemong wa ntshetsopele ya lenaneo la Thuto, metheo ya Ubuntu, toka le toka ya setjhaba. Leha ho le jwalo, re lakatsa ho bolela ka mokgwa o hlakileng re le Botsamaisi hore Diunivesithi ke ditsi tsa setjhaba tseo mosebetsi wa tsona e leng ho theha baithuti e le Ditsebi tsa Bohlale tse sebeletsang setjhaba, mme ba bohareng ba diphetoho tsa moruo wa setjhaba le dipolotiki ka ho aha tsebo le phatlalatso. Ena ke pitso le taelo eo Unisa e ke keng ya inehela ho yona. Ka hona, re kopa basebetsimmoho bohle ba ipelaetsang/ ba ntseng ba teraeka ho etsa jwalo ho

ya ka maano a Yunivesithi le melao ya naha, eo hara tse dinga leng ho se dumella pefo, tshoso ya basebetsi le baithuti le/kapa boitshwaro ba tlolo ya molao. Re itlamba ka dipuisano tse tswelang pele tsa ho fumana tharollo kgatong e latelang ya indasteri.

Ho lona bohle ba tswelang pele ho tshahetsa lenaneo la Thuto re rata ho ananela le ho babatsa diketso tsa lona tse ntle. Tsena di ntse di tswela pele ho hlokomelwa. Re le leboha haholo ka ho fofisa folaga ya Unisa hodimo nakong tsena tse thata.

Le entse Hantle mme le Tswelepele ho etsa jwalo.

Ka ditumediso tse mofuthu

Prof Puleng LenkaBula

Mosuwelohoo le Motlatsi wa Mokanseliri